

" KHUTBAH KHAS SEMPENA HARI KEPUTERAAN DYMM SERI PADUKA BAGINDA YANG DI-PERTUAN AGONG "

الْحَمْدُ لله الْقَائِلِ: إِنَّا عَرَضْنَا الْأَمَانَةَ عَلَى السَّمَوَاتِ وَالْأَرْضِ وَالْجِبَالِ فَأَبَيْنَ أَن يَحْمِلُهَا وَأَشْفَقْنَ مِنْهَا وَالْأَرْضِ وَالْجِبَالِ فَأَبَيْنَ أَن يَحْمِلُهَا وَأَشْفَقْنَ مِنْهَا وَحَمَلَهَا الْإِنسَانُ إِنَّهُ كَانَ ظَلُومًا جَهُولاً ﴿

أَشْهَدُ أَنْ لَآ إِلَىهَ إِلَّا اللَّهُ وَحْدَهُ, لَا شَرِيكَ لَهُ,، وَأَشْهَدُ أَنْ مُحَمَّدًا عَبْدُهُ, وَرَسُولُهُ.

اَللَّهُمَّ صَلِّ وَسَلِّمْ وَبَارِكَ عَلَىٰ سَيِّدِنَا مُحَمَّدٍ وَعَلَىٰ آلِهِ صَلِّ وَسَلِّمْ وَالتَّابِعِيْنَ وَتَابِعِ التَّابِعِيْنَ وَمَنْ وَعَلَىٰ آلِهِ وَأَصْحَابِهِ وَالتَّابِعِيْنَ وَتَابِعِ التَّابِعِيْنَ وَمَنْ تَبِعَهُمْ بِإِحْسَانٍ إِلَى يَوْمِ الدِّيْنِ.

أُمَّا بَعْدُ، فَيَآ أَيُّهَا الْمُسْلِمُونَ! ، إِتَّقُواْ اللَّهَ، قَالَ اللَّهُ



Sidang Jumaat yang dirahmati Allah sekalian,

Marilah kita bertakwa kepada Allah SWT dengan melaksanakan segala perintah-Nya dan meninggalkan segala larangan-Nya. Mudah-mudahan kita semua akan beroleh kebahagiaan di dunia dan akhirat.

Sempena Ulangtahun Hari Keputeraan Duli Yang Maha Mulia Seri Paduka Baginda Yang Di-Pertuan Agong bagi tahun 2011 ini, sebagai rakyat Malaysia marilah sama-sama kita memohon kehadrat Allah SWT semoga Duli Yang Maha Mulia Seri Paduka Baginda Yang Di-Pertuan Agong berada dalam 'inayah dan taufik serta sihat dan sejahtera. Juga kita mohon, agar negara kita Malaysia yang dicintai ini dianugerahkan keamanan, kestabilan dan ketenteraman sepanjang masa. Kita mendoakan semoga rakyat jelata di negara ini, hidup dalam keadaan harmoni, bahagia dan bersatu-padu, pemimpin-pemimpin pula sentiasa tunduk, patuh dan taat kepada Allah SWT, dalam usaha membangunkan negara serta sentiasa menjadikan Al-Quran dan sunnah Rasulullah s.a.w. sebagai sumber rujukan utama dalam menghadapi semua permasalahan.

Sidang hadirin yang dimuliakan,

Pada hari yang mulia ini, marilah kita bersama-sama memikirkan



kedudukan kepimpinan kita sebagai khalifah Allah SWT di muka bumi ini. Allah SWT telah menjadikan kita hidup berbilang bangsa dan suku kaum. Masing-masing memerlukan di antara satu dengan yang lainnya dalam mengendalikan kehidupan seharian. Oleh yang demikian, manusia memerlukan seorang ketua atau pemimpin dalam masyarakatnya yang dapat mengawal dan menyelaraskan cara kehidupan mereka mengikut undang-undang yang telah ditentukan.

Oleh itu, Allah SWT telah mengutus 313 orang Rasul ke dunia ini yang bermula daripada Nabi Adam 'Alaihissalam sehingga Nabi Muhammad s.a.w. Mereka silih berganti memimpin manusia sebagai umat-Nya. Rasul-rasul yang telah terpilih mempunyai sifat-sifat kepimpinan yang telah digariskan oleh Allah SWT iaitu siddiq (benar) amanah (jujur), tabligh (menyampaikan) dan fathonah (bijaksana).

Keempat-empat sifat itu perlu kepada seorang yang hendak memegang jawatan atau tugas sebagai seorang Rasul dan dalam masa yang sama, ia sebagai pemimpin yang berwibawa kepada umatnya.

Sidang Jumaat yang dirahmati Allah,

Sifat-sifat yang perlu ada pada setiap pemimpin yang berwibawa menurut pandangan Islam, antaranya;

- Mempunyai keimanan dan ketakwaan kepada Allah SWT serta berakhlak yang mulia.
- 2- Mempunyai ilmu pengetahuan dan daya pemikiran yang tinggi di samping pengetahuan yang luas.
- 3- Mengetahui peranan, akan tanggungjawabnya sebagai seorang



pemimpin dan sedia tunduk kepada hukum agama dan hukum budaya masyarakatnya.

Pemimpin yang berwibawa juga merupakan pemimpin yang menganggap jawatan adalah satu tanggungjawab yang berat lagi mencabar. Makin tinggi kepimpinan yang disandang, akan semakin besarlah tanggungjawab yang perlu dipikul. Bermula menjadi pemimpin kepada diri sendiri, kemudian menjadi pemimpin kepada keluarga dan yang lebih jauh lagi ialah sebagai pemimpin kepada masyarakat, negeri, negara dan dunia keseluruhannya.

Sidang Jumaat yang dirahmati Allah,

Untuk mendapatkan satu kepimpinan yang baik lagi berjaya dan mendapat keberkatan Allah SWT, perlu kepada kerjasama dan persefahaman antara pemimpin dengan rakyat. Pemimpin mesti bersikap jujur dalam setiap tindakannya dan rakyat mesti bersikap taat kepada pemimpinnya. Dalam hal ini, Rasulullah s.a.w. mengingatkan pemimpin dengan sabdanya:

(Hadith riwayat Muslim).

"Tiada siapa pun yang Allah lantik menjadi pemimpin mengetuai urusan rakyat dan matinya dalam keadaan menipu melainkan Allah SWT



haramkan dirinya daripada masuk ke dalam syurga".

Kepada rakyat pula, Rasulullah s.a.w. mengingatkan dengan sabdanya:

(Hadith riwayat Bukhari).

"Setiap orang Islam wajib mendengar dan taat perintah ketua atau pemimpinnya, sama ada perintah itu mereka sukai atau tidak, selagi perintah itu tidak menyuruh supaya berbuat maksiat. Jika perintah itu menyuruh mereka berbuat maksiat, maka tidak perlu mendengar atau tidak perlu taat".

Sidang hadirin yang dirahmati sekalian,

Kewujudan pemimpin yang berwibawa dan mendapat kerjasama serta taat setia daripada rakyat akan melahirkan sebuah masyarakat yang harmoni, maju dan berjaya serta diberkati oleh Allah SWT.

Betapa pentingnya mentaati pemimpin sebagaimana Firman Allah SWT dalam surah An-Nisa' ayat 59:



يَنَأَيُّا ٱلَّذِينَ ءَامَنُوٓ أَطِيعُواْ ٱللَّهَ وَأَطِيعُواْ ٱلرَّسُولَ وَأُوْلِى اللَّهَ وَأَطِيعُواْ ٱلرَّسُولَ وَأُوْلِى اللَّهَ وَأَطِيعُواْ ٱلرَّسُولَ وَأُوْلِى اللَّهَ وَأَطِيعُواْ ٱلرَّسُولَ وَأُوْلِى اللَّهَ مَا لَكُمْ مِنكُمْ

"Wahai orang yang beriman, taatlah kamu kepada Allah SWT dan taatlah kamu kepada Rasulullah s.a.w. dan kepada ulilamri (orang yang berkuasa) di kalangan kamu".

Menurut Tafsir Al-Maraghi, ayat ini memberi pengertian agar mentaati Allah SWT dengan melaksanakan pengajaran Al-Quran dan mentaati Rasulullah s.a.w. kerana Baginda yang memberi penjelasan kepada manusia tentang segala hal yang diturunkan kepada mereka.

Mentaati Ulilamri iaitu kepada raja, pemegang kuasa, ulama, pemimpin tentera, semua pemimpin dan tokoh yang menjadi tumpuan masyarakat dalam mengurus keperluan dan kemaslahatan umum. Apabila pemimpin mengeluarkan sesuatu arahan, wajib ditaati, dengan syarat mereka memiliki sifat-sifat amanah, tidak menentang Allah SWT dan Rasul-Nya.

Mentaati Ulilamri ini hukumnya wajib sebagaimana contoh yang dilakukan oleh Saidina Omar radhiallahu 'anhu untuk mengadakan pejabat dan lain-lain keperluan untuk mengurus kepentingan umat. Perkara ini tidak terdapat pada zaman Rasulullah s.a.w. Pendapat Saidina Omar radhiallahu 'anhu disepakati oleh para sahabat dan tidak ada seorang pun di kalangan sahabat pada masa itu yang menentangnya.

Sayyid Qutub menjelaskan, bahawa faktor-faktor kekuatan umat pada

zaman silam ialah kerana mereka memiliki 'Roh Islam' iaitu sumber yang memancarkan sifat ketinggian seperti keikhlasan hati, ketenangan jiwa, kepahlawanan, kesanggupan berkorban dan keghairahan untuk mati syahid.

Muslimin yang berbahagia,

Marilah kita muhasabah diri. Marilah kita kembali memperbetulkan gerak atau landasan hidup kita. Al-Quran dan hadith masih ada di hadapan kita. Ulama dan cendikiawan masih mampu menerajui bahtera hidup kita. Pemerintah juga masih kukuh menguasai pentadbiran negara kita. Marilah kita lakukan apa yang lebih baik daripada hari ini dan hari esok serta seterusnya. Semoga kita akan menjadi umat contoh yang berjaya. Jadilah rakyat yang mempunyai ketaatan dan kesetiaan kerana ketaatan serta kesetiaan rakyat akan membawa kepada perpaduan di samping kekuatan umat.

أَعُوْذُ بِٱللَّهِ مِنَ ٱلشَّيْطَنِ ٱلرَّحِيمِ

كُنتُمْ خَيْرَ أُمَّةٍ أُخْرِجَتَ لِلنَّاسِ تَأْمُرُونَ بِٱللَّهِ وَلُوْءَامَنَ أَهْلُ

وَتَنْهَوْنَ عَنِ ٱلْمُنكَرِ وَتُؤْمِنُونَ بِٱللَّهِ وَلُوْءَامَنَ أَهْلُ

الْكِتَبِ لَكَانَ خَيْرًا لَهُم مَ مِّنْهُمُ ٱلْمُؤْمِنُونَ فَي وَأَلْتُهُمُ ٱلْمُؤْمِنُونَ وَأَلْتُهُمُ مَّنَهُمُ ٱلْمُؤْمِنُونَ وَأَكْتَبُهُمُ ٱلْمُؤْمِنُونَ وَأَكْتَبُهُمُ ٱلْمُؤْمِنُونَ فَي وَأَكْتَبُهُمُ ٱلْمُؤْمِنُونَ فَي وَأَكُثَرُهُمُ ٱلْفَاسِقُونَ فَي اللَّهُ اللَّهُ اللَّهُ وَاللَّهِ اللَّهِ اللَّهُ اللَّهُ اللَّهُ وَاللَّهُ اللَّهُ الللَّهُ اللَّهُ الللَّهُ اللَّهُ الللَّهُ اللَّهُ اللَّهُ الللَّهُ اللَّهُ اللَّهُ اللَّهُ اللّهُ اللَّهُ اللَّهُ اللَّهُ اللَّهُ الللَّهُ اللَّهُ اللَّهُ اللّهُ اللَّهُ اللَّهُ اللَّهُ اللَّهُ الللَّهُ اللّهُ اللّهُ اللّهُ اللّهُ الللّهُ اللّهُ اللّهُ اللّهُ الللّهُ الللّهُ اللّهُ اللّهُ الللّهُ الللّهُ اللّهُ اللّهُ الللّهُ الللّهُ الللّهُ اللّهُ اللّهُ الللّهُ الللّهُ الللللّهُ اللّهُ اللّهُ اللّهُ اللّهُ اللّ

(Ali 'Imran: 110)



Maksudnya: "Kamu (wahai umat Muhammad) adalah sebaik-baik umat yang dilahirkan untuk umat manusia. (Kerana) kamu menyuruh berbuat segala perkara yang baik dan melarang daripada segala perkara yang salah (buruk dan keji), serta kamu pula beriman kepada Allah (dengan sebenar-benar iman). Kalaulah ahli kitab (yahudi dan nasrani) itu beriman (sebagaimana yang semestinya), tentulah (iman) itu menjadi baik bagi mereka. (Tetapi), antara mereka ada yang beriman, dan kebanyakan mereka orang yang fasiq".

بَارَكَ اللهُ لِي وَلَكُمْ بِالْقُرْآنِ الْعَظِيْمِ، وَالذِّكْرِ الْحَكِيْمِ وَتَقَا وَ تَهُو، إِنَّهُ هُوَ السَّمِيعُ الْعَلِيمُ. ى هَاذَا وأَسْتَغْفِرُ الله فَاسْتَغْفِرُوهُ، فَيَا فُوْزَ



KHUTBAH KEDUA

الْحَمْدُلِلَّهِ الَّذِيْ جَعَلَنَا مِنَ الْمُسْلِمِيْنَ، وَرَزَقَنَا مِنَ الْمُسْلِمِيْنَ، وَرَزَقَنَا مِنَ الْمُسْلِمِيْنَ، وَرَزَقَنَا مِنَ الطَّيِّبَاتِ. أَشْهَدُ أَنْ لَآ إِلَه إِلَّا الله وَحْدَهُ, لَا شَرِيْكَ لَهُ، وَأَشْهَدُ أَنَّ مُحَمَّدًا عَبْدُهُ, وَرَسُولُهُ.

اَللَّهُمَّ صَلِّ وَسَلِّمْ وَبَارِكْ عَلَىٰ سَيِّدِنَا مُحَمَّدٍ وَعَلَىٰ آلِهِ وَصَحْبِهِ وَمَنْ تَبِعَهُمْ بِإِحْسَانٍ إِلَىٰ يَوْمِ الدِّيْنِ. أَمَّا بَعْدُ، فَيَا عِبَادَ الله، إِتَّقُواْ اللَّهَ فَقَدْ فَازَ الْمُتَّقُونَ. قَالَ الله تَعَالَىٰ: إِنَّ الله وَمَلَيْ كَتَهُ لَيْ مَلُونَ عَلَى النَّيِ تَقُلُ الله عَلَى النَّبِي قَالَ الله تَعَالَىٰ: إِنَّ الله وَمَلَيْ كَتَهُ لَيْ مَلُونَ عَلَى النَّيِ تَعَالَىٰ الله عَلَيْهِ وَسَلِّمُواْ تَسَلِيمًا. يَنَا يُهُا النَّهِ عَلَيْهِ وَسَلِّمُواْ تَسَلِيمًا.

اَللَّهُمَّ صَلِّ وَسَلِّمْ عَلَىٰ سَيِّد الْمُرْسَلِينَ وَارْضَ اللَّهُمَّ عَنْ أَللَّهُمَّ عَنْ أَصْحَابهِ وَقَرَابَتِهِ وَأَزْوَاجهِ وَذُرِّيلًاتِهِ أَجْمَعِيْنَ.

اللَّهُمَّ اغْفِرْ لِلْمُسْلِمِيْنَ وَالْمُسْلِمَاتِ وَالْمُؤْمِنِيْنَ وَالْمُؤْمِنَاتِ اللَّهُمَّ اغْفِرْ لِلْمُسْلِمِيْنَ وَالْمُؤْمِنَاتِ اللَّهُمُ وَالْمُواتِ، إِنَّكَ سَمِيْعٌ قَرِيْبٌ مُجِيْبُ اللَّهُ حُيَاتِ سَمِيْعٌ قَرِيْبٌ مُجِيْبُ



كَ الْإَمِينِ، وَنَسْأَلُكَ شرك الدِين ادريس حُ الدِين عبد العزيز شه لْهِدَايَةً وَالتَّوْفِيْقَ، ريق الْهُدَىٰ وَالرَّشَادِ.

Ya Allah, Engkaulah Tuhan yang Maha berkuasa, kami bersyukur kehadrat-Mu yang telah mengurniakan kami rahmat dan nikmat, sehingga kami dapat meneruskan usaha ke arah memperkukuhkan negara umat Islam khususnya negeri Selangor, sebagai negeri yang maju, sejahtera dan berkebajikan.



Justeru kami pohon kehadrat-Mu Ya Allah, tetapkanlah iman kami, tingkatkanlah amal kami, kukuhkanlah perpaduan kami, murahkanlah rezeki kami, kayakanlah kami dengan ilmu yang bermanfaat, suburkanlah jiwa kami dengan budi pekerti yang mulia, kembalikanlah kami ke jalan yang Engkau redhai, lindungilah kami daripada ujian-Mu yang berat seperti kemarau panjang, banjir besar, wabak penyakit, persengketaan, kemiskinan dan lain-lain, supaya dengan demikian, negeri kami akan sentiasa bertambah makmur dan berkat.

رَبَّنَا هَبُ لَنَا مِنْ أُزُوَ جِنَا وَذُرِّيَّتِنَا قُرَّةَ أَعْيُنِ وَٱجْعَلْنَا لِللَّهُ الْأَنْ الْمُتَّقِينَ إِمَامًا. رَبَّنَا ءَاتِنَا فِي ٱلدُّنْيَا حَسَنَةً وَفِي ٱلْأَخِرَةِ حَسَنَةً وَفِي ٱلْأَخِرَةِ حَسَنَةً وَقِنَا عَذَابَ ٱلنَّارِ.

عِبَادَ اللهِ، إِنَّ ٱللهَ يَأْمُرُ بِٱلْعَدَلِ وَٱلْإِحْسَنِ وَإِيتَآيِ ذِي اللهِ اللهِ، إِنَّ ٱللهَ يَأْمُرُ بِٱلْعَدَلِ وَٱلْإِحْسَنِ وَإِيتَآيِ ذِي اللهَ اللهُ عَنِ ٱلْفَحْشَآءِ وَٱلْمُنكِرِ وَٱلْبَغِي اللهَ يَعِظُكُمْ لَعَلَّكُمْ تَذَكُّرُونَ فَي اللهَ عَنْ اللهُ عَلَى اللهَ عَلَى اللهُ ع

فَاذْكُرُواْ الله الْعَظِيْمَ يَذْكُرْكُمْ وَاشْكُرُوهُ عَلَىٰ نَعَمِهِ وَاللهُ كُرُوهُ عَلَىٰ نَعَمِهِ وَاللهُ كُرُوهُ عَلَىٰ نَعَمِهِ وَاللهُ كُرُهُ وَلَذِكُرُ اللهَ أَكْبَرُ وَاللهُ يَعْلَمُ مَا تَصْنَعُونَ.